

FREE STATE PROVINCE

# PROVINCIAL GAZETTE

---

# PROVINSIALE KOERANT

PROVINSIE VRYSTAAT

*Published by Authority*

*Uitgegee op Gesag*

No. 106

BLOEMFONTEIN, 5 FEBRUARY 2010  
BLOEMFONTEIN, 5 FEBRUARIE 2010

**GENERAL NOTICE 8 OF 2009/2010**

**PUBLICATION OF THE PHAKISA  
MAJOR SPORT EVENTS AND  
DEVELOPMENT CORPORATION  
AMENDMENT BILL**

It is notified for general information and comment that the above-mentioned Bill is hereby published in terms of Rule 147 of the Rules and Orders of the Free State Legislature.

Any comments or remarks must be submitted to the Secretary: Free State Legislature, Private Bag X20561, Bloemfontein, 9300 to reach him not later than 19 February 2010.

**TB PHITSANE  
ACTING SECRETARY: FREE STATE  
LEGISLATURE**

**ALGEMENE KENNISGEWING 8 VAN  
2009/2010**

**PUBLIKASIE VAN DIE  
WYSIGINGSWETSONTWERP OP  
DIE PHAKISA KORPORASIE VIR  
GROOT SPORTBYEENKOMSTE EN  
SPORTONTWIKKELING**

Dit word vir algemene kennisname en kommentaar bekendgemaak dat bostaande Wetsontwerp hierby gepubliseer word in terme van Reël 147 van die Reëls en Orders van die Vrystaatse Wetgewer.

Enige kommentaar of opmerkings moet gestuur word aan die Sekretaris: Vrystaatse Wetgewer, Privaatsak X20561, Bloemfontein, 9300 om hom nie later as 19 Februarie 2010 te bereik nie.

**TB PHITSANE  
WAARNEMENDE SEKRETARIS:  
VRYSTAATSE WETGEWER**

**ALGEMENE VERDUIDELIKENDE NOTA:**

- [ ] Woorde in vetdruk tussen vierkantige hake dui skrappings uit bestaande verordenings aan.  
\_\_\_\_\_ Woorde met 'n volstreep daaronder, dui invoegings in bestaande verordenings aan.
- 

**WETSONTWERP**

Tot wysiging van die Wet op die Phakisa Korporasie vir Groot Sportbyeenkomste en Sportontwikkeling, 1997, om dit onderhewig te maak aan die bepalings van die Wet op Openbare Finansiële Bestuur, 1999; om die portefeulje van die verantwoordelike Lid te wysig; om 'n aanstellingsprosedure vir die direksie in te sluit; om die aanstellingstermyn van direkteure te verleng; en om voorsiening te maak vir aangeleenthede wat daarmee in verband staan.

**DAAR WORD BEPAAL** deur die Provinsiale Wetgewer van die Provinsie Vrystaat soos volg:-

**Wysiging van artikel 1 van Wet No. 4 van 1997**

1. Artikel 1 van die Wet op die Phakisa Korporasie vir Groot Sportbyeenkomste en Sportontwikkeling, 1997 (Wet No. 4 van 1997) (hierna verwys as die "Wet") word gewysig deur -

1.1 die volgende definisie na die definisie van "**verantwoordelike Lid**" in te voeg:

“ **Wet op Finansiële Openbare Bestuur**’ die Wet op Finansiële Openbare Bestuur, 1999 (Wet No. 1 van 1999);” en

1.2 die definisie van "**verantwoordelike Lid**" met die volgende definisie te vervang:

“ **verantwoordelike Lid**’ die Lid van die Uitvoerende Raad van die Provinsie verantwoordelik vir Sport, Kuns en Kultuur [, **Wetenskap en Tegnologie**].”

**Wysiging van artikel 4 van Wet No. 4 van 1997**

2. Artikel 4 van die Wet word gewysig deur die inleidende sin met die volgende sin te vervang:

“4. Die Korporasie kan, behoudens hierdie Wet, [of] enige ander wet van die Provinsie en die Wet op Openbare Finansiële Bestuur -”.

**Wysiging van artikel 5 van Wet No. 4 van 1997 soos gewysig deur Wet No. 2 van 2003**

3. Artikel 5 van die Wet word gewysig deur subartikel (2) met die volgende subartikel te vervang:

“(2) Die direksie bestaan uit minstens 6 en hoogstens 12 persone [wat deur die verantwoordelike Lid met die goedkeuring van die Uitvoerende Raad van die Provinsie aangestel word].”

### Invoeging van artikel 5A in Wet No. 4 van 1997

4. Die volgende artikel word hierby na artikel 5 van die Wet ingevoeg:

5 **“5A. Aanstellingsprosedure van direksie van die Korporasie**

- 10 (1) Die direksie word, onderhewig aan subartikel (2), aangestel deur die verantwoordelike Lid in oorleg met die Uitvoerende Raad van die Provinsie.
- 15 (2) Voor aanstelling –
- (a) moet die verantwoordelike Lid nominasies inwin in die Provinsiale Koerant en media vanaf die publiek vir die aanstelling van direkteure op die direksie;
- 20 (b) moet die verantwoordelike Lid die nominasies voorlê aan ‘n komitee van die Vrystaatse Provinsiale Wetgewer saamgestel ingevolge die Reëls en Orders van die Vrystaatse Provinsiale Wetgewer;
- 25 (c) moet die komitee beoog in paragraaf (b), binne 30 dae van ontvangs van die nominasies, voorstelle aan die verantwoordelike Lid voorlê rakende die persone wat aangestel kan word op die direksie.”

### Wysiging van artikel 6 van Wet No. 4 van 1997

- 30 5. Artikel 6 van die Wet word gewysig deur -

- (a) subartikel (1) met die volgende subartikel te vervang:

35 “(1) ‘n Direkteur word aangestel vir ‘n termyn van hoogstens [18 maande] 3 jaar, bepaal in die aanstellingsdokument, [maar kan, behoudens artikel 7(1), heraangestel word] en sodanige termyn kan by verstryking, verleng word vir ‘n maksimum tydperk van 2 jaar deur die verantwoordelike Lid, in oorleg met die Uitvoerende Raad.”; en

- 40 (b) die invoeging van subartikel (3):

“(3) ‘n Direkteur kan heraangestel word.”

### Wysiging van artikel 7 van Wet No. 4 van 1997

- 45 6. Artikel 7 van die Wet word gewysig deur subartikel (3) met die volgende subartikel te vervang:

50 “(3) Indien ‘n direkteur ophou om sy of haar amp te beklee, moet die verantwoordelike Lid, behoudens die bepalings van artikel 5(2) en artikel 5A, iemand aanstel om die vakature in die direksie te vul.”

**Wysiging van artikel 13 van Wet No. 4 van 1997**

7. Artikel 13 van die Wet word gewysig deur -

5 7.1 die opskrif met die volgende opskrif te vervang:

“[Aanspreeklikheid, oudit en jaarverslag] **Finansiële Bestuur**”;

10 7.2 subartikel (1) met die volgende subartikel te vervang:

“(1) [(a) **Die direksie lê ‘n begroting vir elke jaar voor vir goedkeuring deur die verantwoordelike Lid;**

15 (b) **Die beoogde begroting word aan die verantwoordelike Lid voorgelê op of oor die datum wat die verantwoordelike Lid bepaal] Die finansiële bestuur van die Korporasie word gereguleer deur die Wet op Openbare Finansiële Bestuur.”;**

20 7.3 subartikel (2) te skrap;

7.4 subartikel (3) te hernoem en subartikel (3) met die volgende subartikel te vervang:

25 “[~~(3)~~] (2) Die finansiële rekords [**bedoel in subartikel (2)(b)**] van die Korporasie word jaarliks deur die Ouditeur-generaal geoudit[**eer**].”;

30 7.5 subartikel (4) te skrap; en

7.6 subartikel (5) te skrap.

**Kort titel**

35 8. Hierdie Wet heet die Wysigingswet op die Phakisa Korporasie vir Groot Sportbyeenkomste en Sportontwikkeling, 2010.

## MEMORANDUM

### 1. Doel van Wet

Die Wet op die Phakisa Korporasie vir Groot Sportbyeenkomste en Sportontwikkeling, 1997 (die “Wet”) moet ooreenkomstig met die Wet op Openbare Finansiële Bestuur, 1999 gebring word. Huidiglik maak die aanstellingsproses nie voorsiening vir publieke deelname nie. Die Wet word dus gewysig om publieke deelname in te sluit. Verder, om kontinuïteit van die direksie te versterk, word die maksimum termyn verleng tot 3 jaar wat verder verleng mag word.

### 2. Klousule-vir-klausule uiteensetting

#### 2.1 Klousule 1

Die definisie van Wet op Openbare Finansiële Bestuur word ingevoeg in die woordomsrywingsartikel en die portefeulje van die verantwoordelike Lid word reggestel.

#### 2.2 Klousule 2

Die inleidende sin van artikel 4 word gewysig om te verseker dat die werksaamhede en bevoegdhede van die Korporasie onderhewig aan die Wet op Openbare Finansiële Bestuur uitgevoer word.

#### 2.3 Klousule 3 en 4

Hierdie klousules handel met die aanstelling van die direksie. ‘n Nuwe aanstellingsprosedure word ingevoeg wat aanbevelings van ‘n komitee van die Wetgewer insluit.

#### 2.4 Klousule 5

Die termyn van direkteure word verleng van 18 maande tot 3 jaar om kontinuïteit te bevorder, welke termyn deur die verantwoordelike Lid, in oorleg met die Uitvoerende Raad, verleng kan word.

#### 2.5 Klousule 6

As gevolg van die invoeging van die aanstellingsprosedure in klousule 4, moet artikel 7 van die Wet gewysig word.

#### 2.6 Klousule 7

Hierdie klousule maak spesifiek voorsiening daarvoor dat die finansiële bestuur van die Korporasie deur die Wet op Openbare Finansiële Bestuur gereël word. Alle ander onnodige subartikels word geskrap.

#### 2.7 Klousule 8

Hierdie klousule maak voorsiening vir die kort titel van die Wet.